

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i člana 8. Zakona o izvršavanju Budžeta Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18), Vlada Zeničko-dobojskog kantona, na 161. sjednici, održanoj 20.09.2018. godine, d o n o s i

ODLUKU

o unosu nedostajućih sredstava za stvorene obaveze u Budžetu Zeničko-dobojskog kantona za 2018. godinu

Član 1.

(Predmet)

(1) Sa ciljem poštivanja računovodstvenog načela sveobuhvatnosti i principa modificiranog nastanka događaja, te realnog finansijskog izvještavanja o izvršenju Budžeta, nalaže se Ministarstvu finansija-Odsjek za planiranje i izvršenje budžeta, radi provođenja odredbi zaključenih kolektivnih ugovora za osnovno i srednje obrazovanje koje se odnose na plaće i naknade zaposlenih, odnosno druga materijalna prava utvrđena istim, da vrši unos nedostajućih sredstava za obaveze budžetskih korisnika iz oblasti obrazovanja koje prelaze iznose planirane Budžetom Zeničko-dobojskog kantona za 2018. godinu, do donošenja Izmjena i dopuna Budžeta za 2018. godinu.

(2) Nalaže se Ministarstvu finansija-Odsjek za planiranje i izvršenje budžeta, radi povrata pogrešno ili više uplaćenih javnih prihoda po osnovu poreza na dohodak, da na poziciji Budžeta 614800-Naknade za povrat više ili pogrešno uplaćenih sredstava, vrši unos nedostajućih sredstava za obaveze prema fizičkim i pravnim licima koje prelaze iznose planirane Budžetom Zeničko-dobojskog kantona za 2018. godinu, do donošenja Izmjena i dopuna Budžeta za 2018. godinu.

Član 2.

(Provođenje Odluke)

Za provođenje ove odluke zadužuju se Ministarstvo finansija i Ministarstvo za obrazovanje, nauku, kulturu i sport Zeničko-dobojskog kantona, svako u okviru svoje nadležnosti.

Član 3.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-14-14372/18.

Datum, 20.09.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x "Službene novine Zeničko-dobojskog kantona",

1x a/a.